

Fathil Ismail Pengarah Urusan Mesiniaga baru

PETALING JAYA 20 Dis. - Mesiniaga Bhd. (Mesiniaga) melantik Fathil Ismail sebagai Pengarah Urusan yang baru berkuat kuasa 1 Januari ini.

Beliau yang dilantik oleh Lembaga Pengarah Mesiniaga itu juga adalah ahli bukan eksekutif Mesiniaga sejak 2002.

Mesiniaga dalam kenyataannya berkata, pelantikan Fathil adalah sejajar dengan strategi transformasi perniagaan yang dilaksanakan pada tahun lalu.

"Sebagai Pengarah Urusan baru, beliau akan melaksanakan penyelesaian perniagaan yang mampu memberi impak kepada keuntungan pelanggan dan nilai," katanya.